

三家宮詞


萬曆甲午晉陵

吳氏雲栖館梓

三體宮詞

王建
王璠

花蕊夫人
全



唐王建宮詞



唐王建太和中為陝州司馬韓愈張籍同時而
與籍相友善工為樂府歌行思遠格幽初為渭
南尉與宦者王樞密有宗人之分忽因過飲以
相譏戲樞密憾曰吾弟所有宮詞禁掖深邃何
以知之將被奏劾建因為詩曰先朝行坐鎮相
隨今上春宮見長時脫下御衣偏得着進來龍
馬每教騎嘗承密旨還家少獨奏邊情出殿遲
不是當家頻向說九重爭遣外人知遂免於禍
宮詞凡百絕天下傳播如此體者雖有數家而

建為之祖爾

金殿當頭紫閣重
僊人掌上玉芙蓉
太平天子朝元日
五色雲車駕六龍

蓬萊正殿體金鰲
紅日初生碧海濤
開着五門遙北望
赭黃新帕御床高

未明東上閣門開
排仗聲從後殿來
阿監兩邊相對立
遙聞索馬一時迴

風簾水閣壓芙蓉
四面鈎闌在水中
避暑不歸金殿宿
秋河織女夜燈紅

春風院院落花堆
金鎖生衣擘不開
更築歌臺起粧殿
明朝先進畫圖來

新鷹初放兔初肥
白日君王八內稀
薄暮千門臨欲鎖
紅粧飛騎向前歸

殿前傳點各依班
召對西來入詔蠻
上得青花龍尾道
側身偷覩正南山

龍煙日曉紫重重
宣政門當玉殿風
五刻閣前卿相出
下簾聲在半天中

白玉窓中起草臣
櫻桃初赤賜嘗新
殿頭傳語金堦遠
因進詞來謝聖人

內人對御疊花牋
繡坐移來玉案邊
紅蠟燭前

呈草本平明昇出閣門宣

千牛仗下放朝初玉案傍邊立起居每日請來
金鳳紙殿頭無事不教書

延英引對碧衣郎江硯宣毫各別牀天子下簾
親考試宮人手裡過茶湯

朱門開着九重關金画黃龍五色幡直到銀臺
排仗合聖人三殿對西番

少年天子重邊功親到凌煙畫閣中教覓勲臣
寫圖本長將殿裡作屏風

丹鳳樓門把火開先排法駕出蓬萊棚前走馬
人傳語天子南郊一宿回

樓前立仗看宣赦萬歲聲長拜齊日照綵盤
高百尺飛仙爭上取金雞

集賢殿裡圖書滿點勘邊頭御印同真跡進來
依字數別收領在玉函中

秋殿清齋刻漏長紫微宮女夜燒香拜陵日到
公卿簇鹵簿分頭出太常

新調白馬怕鞭聲供奉騎來遶殿行爲報諸王
侵早入隔門催進打毬名

對御難爭第一籌殿前不打背身毬內人唱好

龜茲急天子龍輿過玉樓

新衫一樣殿頭黃銀帶排方獺尾長總把金鞭
騎御馬綠駝紅頰麝煙香

羅衫葉葉繡重重金鳳銀鸞各一叢每遍舞頭
介兩向太平萬歲字當中

魚藻宮中鎖翠蛾先皇行處不曾過如今池底
休鋪錦菱角雞頭積漸多

殿前明日中和節連夜瓊林取舞衣傳報所司
供蠟燭監開金鎖放人歸

五更三點索金車盡放宮人出看花仗下一時

催立馬殿頭先報內園家

城東北面望雲樓半上珠簾下鈎騎馬行人
常速過忽防天子在樓頭

射生宮女宿紅粧請得新弓各自張臨上馬時
齊賜酒男兒跪拜謝君王

新秋白兔大於拳紅耳霜毛趁草眠天子不教
人射死玉鞭遮到馬蹄前

內人籠脫鮮紅縞戴勝爭飛出手高直上碧雲
還却下一雙金爪菊花毛

競渡船頭掉綵旗兩邊泥水濕羅衣池東爭向

池西岸先到先書上字歸

婕妤好生長帝王家常近龍顏
逐翠華楊柳岸長

春日暮傍池行困倚桃花

月頭支給買花錢滿殿宮人
近數千遇着唱名

都不應含羞走過御床前

水車踏水上宮城寢殿簷
頭滴滴鳴助得聖人

高枕興夜深常作遠灘聲

平頭船子小龍床多少神僊
立御傍旋刺高竿

令過岸滿池春水蘸紅粧

苑東天子愛巡遊御岸花堤
沁碧流新教內人

工射鴨常將弓箭澆池頭

羅衫玉帶最風流斜插銀篔
謔裹頭閑得殿前

騎御馬掉鞭橫過小紅樓

沈香亭子傍池斜夏日巡遊
歇翠華簾畔越盆

盛淨水內人手裏剖銀瓜

薄羅衫子透肌膚夏日初衣
板閣虛獨自凭闌

無一事水風涼處讀文書

金画香臺出露盤黃龍雕刻
遶朱闌焚脩每遇

三元日天子親簪白玉冠

六宮一例羅冠子新樣教鑄
白玉花欲試淡粧

無道服面前宣與唾孟家

二月櫻桃乍熟時內人相引看紅枝回頭索取
黃金彈透樹藏身打雀兒

春天睡起曉粧成隨侍君王觸處行画得自家
梳洗樣相憑女伴把來呈

欲迎天子看花去下得金階却悔行恐見失恩
人舊院回來憶着五絃聲

往來舊院不堪修遊教宣徽別起樓聞有美人
新入內宮中未識大家愁

自誇歌舞勝諸人恨未承恩出內頻連夜宮中
脩理院地衣簾額一時新

悶來無處可思量旋下金階旋下床收得山丹
紅蕊粉窓中洗卻麝香黃

嫌羅不着索輕繡對面教人染退紅衫子成來
一遍出今朝看處滿園中

合暗報來門鎖了夜深應別喚笙歌房中下着
珠簾睡月過金階白露多

御厨不食索時新每見花開即苦春白日卧多
嬌似病隔簾教喚女醫人

叢叢洗手洗金盆旋拭紅巾入殿門衆裏遙拋

新橋子在前收得便承恩

御波水色春來好處處分流白玉渠密奏君王
知入月喚人相伴洗裙裾

新晴草色暖溫暎山雪初晴漸出渾今日踏青
歸較晚傳聲開着苑東門

兩簷新換珠簾額中尉明朝設內家一樣金盤
五千箇紅酥點出牡丹花

舞送香幽出內家記巡傳扣一枝花散時各自
燒紅燭相逐行車不上車

家常愛着舊衣裳空戴紅梳不作粧忽地下堦
裙帶解非時應得見君王

宣勅教歌不出房一聲一遍報君王再三博士
留殘拍索向宣徽作徹章

行中第一籌先舞博士匆匆亦被欺忽覺管絃
偷急遍翩翩羅袖不教知

同黃縫校鍤釵梳欲得金仙觀內居近被天恩
知識字收來案上檢文書

月冷清江近臘時玉堦金瓦雪澌澌浴堂門外
抄名入公主家人謝面脂

未承恩澤一家愁乍到宮中憶外頭新學管絃

聲尚澁側商調裡唱伊州

東風潑火雨新休
弄盡春風蕩雪溝
走馬犢車當御路
漢陽公主進雞裘

聖人生日明朝是
私地先須囑內監
自寫金花紅牒子
前頭先進鳳皇衫

避脫昭儀不擲盧
井邊含小噴鴟鷃
內中數日無呼喚
榻得滕王蛺蝶圖

內宴初秋入二更
殿前燈火一天明
宮官傳旨音聲住
諸院門開觸處行

玉蟬金掌三層掙
翠髻高叢翠鬢虛
舞處春風吹落地
歸來別賜一頭梳

金鉞画角警場開
天子南郊二輅來
十里青城遙北望
綵雲宮殿月樓臺

鼓角三更夜奏嚴
夕齋清廟宿重簷
殿前太尉橫銀仗
指點金盆御水添

鑾輿昨夜宿郊壇
月淡風仁綵內寒
密寫銷金紅牒子
宮中日日報平安

禁籞春來報踏青
御池波漾碧連輕
內人爭送鞦韆急
風隔桃花聞笑聲

露井銀床凍不收
深宮花暗曉鶯愁
殘紅滿地

無人掃一半隨風落御溝

昨日龍輿幸寶文宸毫金軸展風雲前朝御印
從頭圻重整牙籤甲乙介

盤龍新織翠雲裘點檢黃封玉匣收防備秋來
供御著金箱捧入曝衣樓

十三垂髻碧螺鬆學舞經十後苑中近日昭儀
抄姓字一時宣撲入東宮

內庫從頭賜舞衣一番時樣一番宜才人特地
新裝束生色春衫画折枝

黃金掌上露華晞朝退君王未輦遲到浣經筵
春講罷海棠花影數瓢移

禁庭漏促斜沉月殿燭光寒未捲簾御仗催班
元會集牙牌先入奏中嚴

焚香重熨赭黃衣恐怕朝陽進御遲禁鼓五更
交早直歸來還是立班時

素英飄灑作宵寒一寸金花燭淚殘連夜對香
宣兩府平明謝雪到齋壇

盡日閑窓賭選僊小娃爭覓倒盆錢上籌爭占
蓬萊島一擲乘鸞出洞天

麗日祥煙鎖禁林櫻桃初熟杏成陰年年翠輦

來遊幸花落春宮一寸深

夕宴中秋醉廣寒閭風銀闕鎖三山美人半夜
歌明月聲在玉壺天地間

新供御馬可曾騎青鬣連錢碧玉蹄每到殿前
祇候駕金鞍卸下不聞嘶

六龍觀稼奉宸遊齊賀豐亨薦麥秋後苑宴回
卿相出內官金合送來麤

大家裝著鬪時宜獨自尋常拂淡眉為染淺黃
衫子色金盆添水看鸞兒

簾搖翡翠金風晚瓦濕鴛鴦露天秋殿曉開
重九宴內人爭貼菊花鈿

崇文院裏勝蓬萊繡柱扶天祕閣開典籍校讐
三閣外圖書多出禁中來

六宮春色醉僊葩綺戶沉煙望翠華琥珀盤生
山芍藥絳紗囊佩木香花

花外闌干壓翠簷水邊金盞半垂簾內砧敲月
黃昏後坐覺春風一倍添

十年一住廣寒宮雲戀歌聲慣逸空長愛惜花
花下唱袖和金縷怕春風

雨入珠簾滿殿涼避風新出石盆湯內人恐要

新衣着不住熏籠換好香

金吾除夜進儺名畫袴朱衣四隊行院院燒燈
如白日沉香火底坐吹笙

樹頭樹底覓殘紅一片西飛一片東自是桃花
貪結子錯教人恨五更風

日晚長秋簾外報望陵歌舞在明朝添爐欲熟
薰衣麝憶得分時不忍燒

日映西陵松柏枝下臺相顧相悲朝來樂府
歌新曲唱着君王自作詞

淚盡羅巾夢不成夜深前殿按歌聲紅顏未老
恩先斷斜倚熏籠坐到明

黃金捍撲紫檀槽絃索初張調更高盡理昨來
新上曲內宮簾外送櫻桃

鴛鴦瓦上瞥然聲晝寢宮娥夢裡驚元是吾皇
金彈子海棠花下打流鶯

奉帚平明金殿開且將紈羽共徘徊玉顏不及
寒鴉色猶帶昭陽日影來

閑吹玉殿昭華管醉折梨園縹蒂花千年一夢
歸人世絳縷猶封繫臂紗

移來女樂部頭邊新賜花檀大五絃縱得紅羅

手帕子當心香画一雙蟬

唐王建宮詞終

蜀花藥夫人宮詞

熙寧五年奉



詔定蜀民楚民秦民三家所獻書可入館者令
令史李希顏料理之其書多剝脫而得二敝紙
所書花藥夫人詩筆書乃出於花藥夫人手而
詞甚奇與王建宮詞無異建自唐至今誦者不
絕口而此獨遺棄不見取前受詔定三家書者
又斥去之甚為可惜也謹令令史郭祥繕寫入
三館而口誦數篇於左相王安石明日與中書
語及之而王珪馮京願傳其本於是盛行於時

花藥者偽蜀孟昶侍人事在國史王安國題

古者採詩於民雖出於婦人女子一時之所作而後世老師宿儒或不能釋蓋其義深矣余近得花藥夫人詩辭意清典止乎禮義郁有古風嗟乎夫人當去古之時而能振大雅之餘韻沒其傳不可也遂刻諸石俾識者觀之興一歎云雒陽吳革跋

五雲樓閣鳳城間花木長新日月閑三十六宮連內苑太平天子住崑山

會真廣殿約宮牆樓閣相扶倚太陽淨甃玉堦

橫水岸御爐香氣撲龍牀

龍池九曲遠相通楊柳絲牽兩岸風長似江南好風景畫船來去碧波中

東內斜將紫禁通龍池鳳苑夾城中曉鐘聲斷嚴粧罷院院紗窓海日紅

殿名新立號重光島上亭臺盡改張但是人行幸處黃金閣子鎖牙牀

夾城門與內門通朝罷巡遊到苑中每日日高祇候處滿堤紅豔立春風

厨盤進食簇時新侍宴無非列近臣日午殿頭

宣索膾隔花催喚打魚人

立春日進內園花紅藥輕輕嫩淺霞跪到玉堦
猶帶露一時宣賜與宮娃

三面宮城盡夾牆苑中池水白茫茫亦從獅子
門前入旋見亭臺遶岸傍

離宮別院遶宮城金版輕敲合鳳笙夜夜月明
花樹底傍池長有按歌聲

御製新翻曲子成六宮纔唱未知名盡將麝篆
來抄譜先按君王玉笛聲

旋移紅樹斲新苔宣使龍池更鑿開展得綠波

寬似海水心樓殿勝蓬萊

太虛高閣凌虛殿背倚城牆面枕池諸院各分
娘子位羊車到處不教知

脩儀承寵住龍池掃地焚香日午時等候大家
來院裏看教鸚鵡念新詩

才人出入每參隨筆硯將行遶曲池能向彩牋
書大字忽防禦御製寫新詩

六宮官職總新除宮女安排入畫圖二十四司
分六局御前頻見錯相呼

春風一面曉粧成偷折花枝傍水行却被內監

遙觀見故將紅豆打黃鶯

殿前排宴賞花開
宮女侵晨探幾回
斜望苑門遙舉袖
傳宣聲喚近臣來

小球場近曲池頭
宣喚勳臣試打毬
先向畫樓排御幄
管絃聲動立浮油

供奉頭籌不敢爭
上棚等喚近臣名
內人酌酒才宣賜
馬上齊呼萬歲聲

殿前宮女摠纖腰
初學乘騎怯又嬌
上得馬來才似走
幾回拋控抱鞍橋

自教宮娥學打毬
玉鞍初跨柳腰柔
上棚知是官家認
遍遍長贏第一籌

翔鸞閣外夕陽天
樹影花光遠接連
望見內家來泚處
水門斜過画樓船

內人追逐採蓮時
驚起沙鷗兩岸飛
蘭棹把來齊拍水
並船相鬪濕羅衣

新秋女伴各相逢
罨画船飛別浦中
旋折荷花半歌舞
夕陽斜照滿衣紅

少年相逐採蓮回
羅帽羅衣巧製裁
每到岸頭長拍水
竟提纖手出船來

早春楊柳引長條
倚岸沿堤一面高
稱與畫船

牽錦纜暖風搖出綵絲縑

內家宣錫生辰宴隔夜諸宮進御花後殿未聞
公主入東門先報下金車

端午生衣進御床赭黃羅帕覆金箱美人捧入
南薰殿玉腕斜封綵縷長

選進仙韶第一人才勝羅綺不勝春重教按舞
桃花下只踏殘紅作地裊

侍女爭揮玉彈弓金丸飛入亂花中一時驚起
流鶯散踏落殘花滿地紅

七寶闌干白玉除新開涼殿幸金輿一溝泛碧
流春水四面瓊鈎搭綺䟽

山樓綵鳳栖寒月宴殿金麟吐御香蜀錦地衣
呈隊舞教頭先出拜君王

天外明河翻玉浪樓西涼月湧金盆香銷甲乙
牀前帳宮鎖玲瓏閉殿門

西風歎葉撼宮梧早怯秋寒着繡繡玉宇無人
雙燕去一彎新月上金樞

夜寒金屋篆煙飛燈燭分明在紫微漏永禁宮
三十六燕回爭踏月輪歸

曉吹翩翩動翠旗爐煙千疊瑞雲飛何人奏對

偏移刻御史，天香隔繡衣。

金井秋啼絡緯聲，出花宮漏報嚴更。一知誰是
金鑾直玉宇，沉沉夜氣清。

內庭秋燕玉池東，香散荷花水殿風。阿監採菱
牽錦纜，月明猶在畫船中。

東宮花燭綵樓新，天上僊橋不鎖春。徧出
歌舞奏姮娥，初到月虛輪。

紗幔薄垂金麥穗，簾鉤織掛玉葱條。樓西別起
長春殿，香碧紅泥透蜀林。

翠華香重玉爐添，雙鳳樓頭曉日暹。扇掩紅鸞

金殿悄，一聲清蹕捲珠簾。

金作盤龍繡，作麟壺。冰樓閣禁中，春君王避暑
來遊幸。風月橫秋，氣象新。

清曉自傾花上露，冷侵宮殿玉蟾蜍。擘開五色
銷金紙，碧瑣牕前學草書。

翠鈿貼靨輕如笑，玉鳳彫釵裊欲飛。拂曉賀春
皇帝閣，綵衣金勝近龍衣。

瑣聲金掣閣門環，簾捲真珠十二間。別殿春風
呼萬歲，中丞新押散朝班。

鷄人報曉傳三唱，玉井金牀轉轆轤。煙引御爐

香繞殿漏籤初列上銅壺

御案橫金殿幄紅扇開雲表露天容太常奏備
三千曲樂府新調十二鍾

宮女燻香進御衣殿門開鎖請金匙朝陽初上
黃金屋禁掖春深晝漏遲

三月金明柳絮飛岸花堤草弄春時樓船百戲
催宣賜御輦今年不上池

內人稀見水鞦韆爭擘珠簾帳殿前第一錦標
誰奪得右軍輸却小龍船

夜色樓臺月數層金猊煙穗繞觚稜重廊屈折
連三殿密上真珠百寶燈

天門晏閉九重關樓倚銀河氣象間一點星球
垂絳闕五雲僊仗下蓬山

禁裡春濃蝶自飛御蚕眠處弄新絲碧窓盡日
教鸚鵡念得君王數首詩

關草深宮玉檻前春蒲如箭荇如錢不知紅藥
欄干曲日暮何人落翠鈿

太液波清水殿涼画船驚起宿鴛鴦翠眉不及
池邊柳取次飛花入建章

御座垂簾繡額單水山重疊貯金盤玉清迢遞

無塵到殿角
象西五月寒

春心滴破花邊漏
曉夢敲回禁裡鐘
十二楚山
何處是御樓
曾見兩三峯

博山夜宿沉香火
帳外時聞暖鳳笙
理遍從頭
新上曲殿前
龍直未交更

春殿千官宴
却歸上林鶯
舌報花時
宣徽旋進
新裁曲
學士爭吟
應詔詩

釣線沉波漾
彩舟魚爭
芳餌上
龍鈎內
人急捧
金盤接
撥刺紅鱗
躍未休

蕙炷香銷
燭影殘
御衣熏
盡徹
更闌歸來
困頓
眠紅帳
一枕西風
夢裡寒

東宮降誕
挺佳辰
少海星
邊擁瑞雲
中尉傳開
三日宴
翰林當
撰洗兒文

樹葉初成
鳥出窠
石榴花
底笑聲多
舞中遺却
金釵子
拾得從他
要賞羅

小殿新粧
粉欲乾
貴妃姊妹
自來看
為逢好日
先移入
續向西街
索牡丹

內人相續
報花開
准擬君王
便看來
縫着五絃
琴繡袋
宜春院
裡按歌回

巡吹謔
遍不相
和暗看
誰人曲
較多
明日梨花

園裏見先須
逐得內家歌

黃金合裡盛紅雪
重結香羅四出花
一一傍邊書勅字
分明賜與大臣家

宮人早起笑相呼
不識堦前掃地夫
乞與金錢爭借問
外頭還似此間無

小隨阿姊學吹笙
好見君王乞與名
夜掃玉床朝把鏡
黃金堦下不教行

日高殿裡有香煙
萬歲聲來動九天
妃子院中初降誕
內人爭乞洗兒錢

宮花不與外邊同
正月長生一朵紅
供御櫻桃看守別
直無鷓鴣鳥在園中

殿前鋪設兩邊樓
寒食宮人步打毬
一半走來爭跪拜
上棚先謝得頭籌

大儀前日煖房來
囑向朝陽乞藥栽
勅賜一窠紅躑躅
謝恩未了奏花開

床頭謝賜紫羅繻
不下金堦上軟輿
官局總來為喜樂
院中新拜內尚書

鸚鵡誰教轉舌關
內人手裏養來姦
語多近更承恩澤
數對君王憶隴山

分明閑坐賸櫻桃
休却投壺玉腕勞
各把沉香

雙陸子局中鬪得疊高高

禁寺紅樓內裡通笙歌引駕夾城中
裹頭宮監堂前立手把牙鞘竹彈弓

舞來汗濕羅衣徹樓上人扶下玉梯歸到院中
重洗面金盆水裡潑紅泥

宿粧殘粉未明天總在昭陽花樹邊
寒食內人長自打庫中先散與金錢

衆中愛得君王笑偷把金箱筆硯開
書破紅蠻隔子上旋推當內美人來

後宮宮女無多少起得園中笑一團
舞蝶落花相看着春風共語亦應難

蛾眉小婦祔裙長總被抄名入教坊
春設殿前多舞隊棚頭各別請衣裳

水中芹葉土中花拾得還將避衆家
揔待別人般數盡袖中拈出鬱金芽

玉簫改調移纖拍催赴紅羅繡舞筵
未着柀枝花帽子兩行宮監在簾前

窓牕戶戶院相當總在珠簾玳瑁床
雖道君王不來宿帳中長是炷衙香

銀燭秋光冷畫屏輕羅小扇撲流螢
玉階夜色

涼如水卧看牽牛織女星

酒庫新脩近水傍
潑醅初熟五雲漿
殿前供御頻宣索
進入花間一陣香

白藤花限白銀花
閣子門當寢殿斜
近被宮中知了事
每來隨駕使煎茶

西毬場裡打毬回
御宴先於苑內開
宣索教坊諸伎樂
傍池催喚入船來

昭儀侍宴足精神
玉燭抽看記飲巡
倚賴識書為錄事
燈前時復錯瞞人

後宮阿監裹羅巾
出入經過苑囿頻
承奉聖顏

憂悞失就中長怕內夫人

管弦聲急滿龍池
宮女藏鈎夜宴時
好是聖人親捉得
便將濃墨掃雙眉

蜜色紅泥地火爐
內人冬日晚傳呼
今宵駕幸池頭宿
排比柵房得煖無

畫船花舫總新粧
進入池心近島傍
松柏樓窓楠木板
暖風吹過一團香

三清臺近苑牆東
樓檻層層映水紅
盡日綺羅人度曲
管弦聲在半天中

安排諸院接行廊
外檻周迴十里強
青錦地衣

紅繡毯盡鋪龍腦鬱金香

安排竹柵與巴籬養得新生鶉鴿兒宣受內家
專餼飼花毛間看總皆知

年初十五最風流新賜雲鬟便上頭按罷霓裳
歸院裏畫樓雲閣總重脩

小雨霏微潤綠苔石欄紅杏傍池開一枝插向
金餅裏捧進君王玉殿來

花蕊夫人宮詞卷終

宋王岐公宮詞



岐公諱珪字禹玉蚤中甲科以文章事業被遇
四朝自嘉祐初與歐陽永叔蔡君謨更直北門
熙寧九年拜相務為安靖之政遂膺願託有定
策之言平生未嘗遷謫多代言應制之詞無放
逐感憤之作故其詩多富貴氣

花裏宮鶯曉未啼千牛仗下報班齊銀袍五百
趨龍尾天子臨軒賜御題

洛陽新進牡丹叢種在蓬萊第幾宮壓曉看花
傳駕入露苞初拆御袍紅

一片桃花一片春夜來風雨落紛紛多情更逐
東流水還作高唐夢裡人

碧桃花下試枰碁誤算籌先一着低輸却鈿釵
雙翡翠可勝重勸玉東西

燕去燕來閑白晝花開花落送黃鶯年年好景
春風妬夢裡鉛華濕淚痕

侍輦歸來步玉階試穿金縷鳳頭鞋堦前摘得
宜男草笑插黃金十二釵

瑤臺夜滴金莖露水殿涼生玉枕風卧看星河
歸閣晚月斜疎影轉梧桐

簾旌風捲綠波流繡扇紅鸞五綵樓撮角茶牀
金釘鉸暗花香印錦紋頭

臨明一陣梨花雨夢隔珊瑚斗帳明後苑樂聲
催引駕春衫初試覺身輕

燕子初來語更新一聲聲報內家春遙聞春御
櫻桃熟先進金盤奉紫宸

盆山高疊小蓬萊檜栢屏風鳳尾開綠遶金堦
春水闊新分一脉御溝來

內苑宮人學打毬青絲飛控紫花騮朝朝結束
防宣喚一樣真珠絡轡頭

夜深獨倚闌干角玉笛橫吹弄月明餘響度雲
無處覓人間聞得兩三聲

新學琵琶曲破成僊韶第一已知名朱絃未落
黃金撲玉腕先聞動釧聲

太尉洮岷破虜迴腰垂金帶入關來殿前獻壽
天顏喜花覆千官拱御杯

元夕星燈照露臺六宮歌吹出雲來夜深翠輦
歸金殿十里迴廊錦帳開

後苑歸來月上初天歌吹引六轡輿春風料峭
餘寒重猶索金函覽奏書

金雞竿下龍旗動萬國華夷拜冕旒十二門開
傳詔急祥雲捧日在樓頭

數騎紅粧曉獵還銷金羅鞵鏤金銀佯佯走馬
穿花過拂拭雕弓對御彎

晚來東殿放笙歌外院池亭得暫過深炷爐香
登月榭闌干西角拜姮娥

中宮賜雪玉成峯滴露堆寒冷照空三十六窓
明月夜姮娥渾在水晶宮

兩班齊賀玉關清新奏熙州曲破成畫鼓連聲
催擷遍內人多半未知名

沈煙搖碧透金鋪密下珠簾鎮玉壺近賜道
花雀障却嫌雀白芟荷圖

內庫新函進御茶龍團春足建溪芽黃封各各
題名姓賜入東西兩府家

博士當年教玉箏六宮誰敢鬪新聲如今舊曲
無心理寶柱一行秋鷹橫

宮人捧硯臨香案一幅春綃展素霞玉筋彎環
題御篆風雲金殿起龍蛇

銀盆着水灑毬場馬嚼嘶聲立兩行齊上玉鞍
隨仗列粟金腰帶小牌方

三殿飛雲禁鑰開風從天上送春來諸番玉帛
朝元日齊獻南山萬壽杯

黃昏鎖院聽麻除翰長平明趲起居撰就白麻
先進草金泥降出內中書

魚藻宮中淑景長鴨頭新水御池塘奇花深院
院門閉總被春風漏洩香

石刻蛟龍扶繡柱金盤龍鳳走雕楹萬年枝上
流鶯轉屏掩春山夢不成

紅濕春羅染御袍透簾三丈日華高金針百尺
穿縫處一對盤龍落剪刀

燈前飛入玉階中未卧嘗聞半夜鐘
看着中元齋日到自盤金綉繡真容

步行送去長門遠不許來辭舊院花
只恐他時身到此乞求自在得還家

一時起立吹簫管得寵人來滿殿
迎整頓衣裳皆着節舞頭先拍第三聲

琵琶先抹六么頭小管丁寧側調愁
半夜美人雙起唱一聲聲出鳳皇樓

春池日煖少風波花裡牽船水上歌
遙索劍南新樣錦東宮先釣得魚多

十三初學擘箏篴弟子名中被點頭
昨日教坊新進入並房宮女與梳頭

紅蠻捍撲貼胸前移坐當頭對御筵
用力獨彈金殿響鳳皇飛出四條絃

春風吹雨洒旗竿自得深宮不怕寒
誇道自家先上馬園中橫過覓人看

粟金腰帶象牙堆插散紅翎玉突支
旋獵一邊還引馬歸來花鴨遶鞍乘

雲駁花駝各試行一般毛色一般纓
殿前來往重騎過欲得六恩別賜名

每夜停燈熨御衣銀熏籠底火霏霏遙聽
君王覺上直聲鐘始得歸

因喫櫻桃放得歸三年着破舊羅衣內中侍從
來還去結得金花上貴妃

小小宮娥到內園未梳雲鬢臉如蓮自從配與
夫人後不使尋花亂入船

錦城上起凌煙閣擁殿遮樓一向高認得聖顏
遙望見碧闌干映赭黃袍

舞頭皆着画羅衣唱得新翻御製詞每日內庭
聞教隊樂聲飛出到龍池

春早尋花入內園覺傳宣旨欲黃昏明朝駕幸
遊蠶市暗使羶車龍苑門

半夜舩搖載內家水門紅蠟一行斜聖人只在
宮中飲宣使池頭旋折花

春日龍池小宴開岸邊亭子彌流杯沉檀刻作
神僊女對捧金尊水上來

宮殿門前曉色開紅泥藥樹間花栽君王未起
翠簾捲一簇宮人上直來

謾梳鬟髻着輕紅春早爭求芍藥叢近日承恩
移住處夾城淫面占新宮

別色官司御巷千家黃衫束帶臉如花深宮內苑
參承慣常從金輿到日斜

日高房裡學圍棋等候官家未出時為賭金錢
爭路數專憂女伴恠來遲

樗蒲冷淡學投壺箭倚腰身約畫圖盡對君王
稱妙手一人來謝一人輸

宣徽院約池南岸粉壁紅窓畫不成總是一人
行幸處徹長聞奏管絃聲

謗擅羅袖指纖纖學釣池魚傍水弦忍冷不禁
還自去釣竿常被別人拈

丹霞亭浸池心冷曲沼門含水脚清傍岸鴛鴦
皆着對時時出向淺沙行

海棠花發盛春天遊賞無時引御筵遶岸結成
紅錦帳煖枝猶拂画樓船

曉來隨駕上城遊行到東西百尺樓回望苑中
花柳色綠陰紅豔滿池頭

牡丹移向苑中栽盡是藩方進入來未到末春
綠地暖數般顏色一時開

曉日宮人外按回自牽驄馬出林隈御前接接
見高手時得山鷄喜進來

朱雀門開花不開毬場空闊浸塵埃預排白兔
兼蒼狗等候君王按鼉來

明朝獵日官家出隨駕先須點內人回鶻衣裳
回鶻馬就中偏稱小腰身

鞍韉盤龍鬪色粧黃金壓勝紫油韉自從揀得
真龍骨別置東頭小馬枋

窓樹高低約浪痕島中斜日欲黃昏樹頭未刻
雙飛鶴遠漾晴空映水門

翠輦每從城畔去內人相次簇池邊嫩荷花裡
搖船出一陣香風送水僊

高燒紅燭點銀燈秋晚花池景色澄今夜聖人
新殿宿後宮相競覓祗承

苑中排比宴秋宵絃管掙撻各自調日晚閣門
傳聖旨明朝盡放紫宸朝

夜深飲散月初斜無限宮嬪插亂花近侍婕妤
先過水遙聞隔岸喚船家

池邊小樣釣魚船入玩偏宜向晚天掛得綵帆
教便放急風吹過水門邊

傍池居住有漁家收網搖船到淺沙預進洪魚
供日料滿筐吐躍白銀花

會僊觀內三焦壇新點宮人作女冠每度駕來
羞不出羽衣初着怕人看

老大初教作道人鹿皮冠子淡黃裙後宮歌舞
全拋擲每日焚香事老君

法雲寺裡中元節又是官家降誕辰滿殿香花
爭供養內園先占得鋪陳

嫩荷香撲釣魚亭水面紋魚作隊行宮女齊來
池面看傍簾呼喚勿高聲

高亭百尺立於風引得君王到此中牀上翠屏
開六扇檻花初綻牡丹紅

小院珠簾著地垂院中排比不相知羨他鸚鵡
能言語窓裏偷教鸚鵡兒

內人承寵賜新房紅紙泥窓遶畫廊種得海柑
才結子乞求自送與君王

翡翠簷前日影斜御溝流水浸成霞侍臣向晚
隨天步共看池頭滿樹花

金章紫綬選京班每每東頭近聖顏才藝足當
恩寵別只看供奉一場閑

金碧闌干倚岸邊捲簾初聽一聲蟬毀頭日午
搖紈扇宮女子來玉座前

宮娥小小豔
粧唱得歌聲遶画梁
緣是太妃
新進入座前
頒賜綵羅箱

新翻酒令着詞章
侍宴初開意卻忙
宣使近臣
傳賜本書家院裡
徧抄將

楊柳陰中引御溝
碧梧桐樹擁朱樓
金陵城共
滕王閣畫向丹青也
合羞

寒食清明小殿傍
綵樓雙夾鬪雞場
內人對御
分明看先賭紅羅十
檐牀

大臣承寵賜新莊
梔子園東柳岍傍
每日聖恩
新幸到板橋頭是
讀書堂

東院開府輔政餘暇
每到苑中聖人特賜
新莊以脩宴遊之所

梨園子弟簇池頭
小樂携來候宴遊
旋炙紅笙
先按拍海棠花下
合梁州

秋曉紅粧傍水行
竟將衣袖撲蜻蜓
回頭瞥見
宮中喚幾度
歲身入畫屏

御溝春水碧於天
宮女尋花入內園
汗濕紅粧
行漸困岸頭相喚
洗花鈿

內人深夜學迷
歲遍繞花叢
水听傍乘興
或來
爭覓一時忙

透月風落昭陽殿後梅爐炭地消
香獸暖獨拈香箸撲紅灰

花香着蕊藏蜂翅柳影拖金入
瑣窓舞鑑曉鸞無奈隻認歸梁燕却成雙

玉兔何年上月宮夜深搗藥特無蹤
神丹不老姮娥鬢乞取刀圭駐玉容

萱草成窠杏子青夜聞禁漏曉聞鶯
吹回一覺昭陽夢帳外春風太薄情

翡翠盤龍裝繡額真珠雙鳳蹙花毬
時聞玉女牽簾笑箭躍銅壺不筭籌

迢遞金壺漏水長輪更傳點報君王
諸宮各進時新菓進著龍床駐夜香

殿下排場擊土牛君王玉仗久遲留
內人爭卜宜春喜奪得金泥各自收

千年一偶聖人生豈特河清海亦清
瑞應固宐流樂府行看絲竹有新聲

萬曆甲午晉陵

吳氏雲栖館梓

王岐公宮詞卷終



王岐公宮詞

三三

程